

**ხელშეკრულება № 43**  
გამარტივებული შესყიდვის საშუალებით შესყიდვის  
განხორციელების შესახებ  
(CPV – 31158000)

თბილისი

21 თებერვალი 2018 წ

ერთი მხრივ, სსიპ „მწერალთა სახლი“, (შემდგომში - „შემსყიდველი“), წარმოდგენილი დირექტორ-მენეჯერის ნატალია ლომოურის სახით და მეორე მხრივ, შპს „ეფლ პოუმ“ (შემდგომში - „მიმწოდებელი“), წარმოდგენილი დირექტორის შოთა სამხარაძის სახით „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის საფუძველზე, დებენ წინამდებარე ხელშეკრულებას შემდეგზე:

**1. ხელშეკრულების საგანი**

1.1. წინამდებარე ხელშეკრულების თანახმად „მიმწოდებელი“ უზრუნველყოფს „შემსყიდველისათვის“ ლეპტოპის დამტენის მიწოდებას.

**2. ხელშეკრულების ღირებულება**

2.1. ხელშეკრულების ღირებულება შეადგენს 150,00 (ას ორმოცდაათი) ლარი.

2.2. ხელშეკრულების ღირებულებაში შედის საქართველოს კანონმდებლობით დადგენილი ყველა გადასახადი, რომლის გადახდა ევისრება „მიმწოდებელს“.

**3. საქონლის სახეობა და მიწოდების პირობები**

3.1. „მიმწოდებელი“ უზრუნველყოფს „შემსყიდველის“ უზარვნილებაში არსებული ლეპტოპის (Macbook) დამტენის მიწოდებას ხელშეკრულების ხელმოწერიდან 1 კალენდარულ დღის განმავლობაში, მისამართზე თბილისი: ივ. მაჩაბლის №13.

**4. ანგარიშსწორების ფორმა და ვადები**

4.1. „მიმწოდებელთან“ ანგარიშსწორება ხორციელდება უნაღდო ანგარიშსწორებით ეროვნულ ვალუტაში.

4.2. „მიმწოდებელი“ ფაქტურად მოწოდებული საქონლის თაობაზე „შემსყიდველთან“ ადგენს მიღება-ჩაბარების აქტს, რის საფუძველზეც წარუდგენს საგადასახადო დოკუმენტს (ანგარიშ-ფაქტურა; სასაქონლო ზედნადები; ინვოისი) საგადასახადო კოდექსით დადგენილი წესითა და ვადით.

4.3. „მიმწოდებელთან“ ანგარიშსწორება ხორციელდება მიღება-ჩაბარების აქტის გაფორმებიდან 5 სამუშაო დღეში.

4.4. დაფინანსების წყარო: საკუთარი შემოსავლები.

**5. შესყიდვის ობიექტის მიღება-ჩაბარების წესი**

5.1. შესყიდვის ობიექტის მიწოდებად ჩაითვლება მიღება-ჩაბარების აქტის საფუძველზე „შემსყიდველის“ მიერ იმ საქონლის მიღება, რომელიც უნდა მოაწოდოს „მიმწოდებელმა“ ამ ხელშეკრულების მე-3 მუხლით გათვალისწინებული პირობებითა და წესით.

5.2. შესყიდვის ობიექტის მიღების დროს საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს „მიმწოდებელი“.

5.3. ხელშეკრულების მე-4 4.2. პუნქტის შეუსრულებლობის შემთხვევაში, არ მოხდება თანხის გადახდა, ხოლო საკითხის 10 დღის ვადაში მოუგვარებლობის შემთხვევაში, „შემსყიდველის“ მიერ მიიღება გადაწყვეტილება ხელშეკრულების შეწყვეტის შესახებ.

**6. მხარეთა უფლებები**

6.1. წინამდებარე ხელშეკრულებით ნაკისრი ვალდებულებების შეუსრულებლობაზე ან არაჯეროვნად შესრულებაზე მხარეები პასუხს აგებენ საქართველოს კანონმდებლობის შესაბამისად.

**7. მხარეთა ვალდებულებები**

7.1. „მიმწოდებელი“ ვალდებულია:

ა) დროულად და ხარისხიანად შეასრულოს ხელშეკრულებით განსაზღვრული პირობები.

ბ) დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2. „შემსყიდველი“ ვალდებულია:

ა) უზრუნველყოს „მიმწოდებლისათვის“ თანხის გადახდა ხელშეკრულების მე-4 მუხლის 4.2. პუნქტის შესაბამისად.

ბ) დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

## 8. ფორს-მაჟორი

- 8.1. მხარეები თავისუფლდებიან პასუხისმგებლობისაგან ფორს-მაჟორული გარემოებების დადგომის შემთხვევაში.
- 8.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარეებმა დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ.
- 8.3. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო, არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმ სანქციების გამოყენებას.

## 9. ხელშეკრულების პირობების და ღირებულების გადასინჯვა

- 9.1. სახელმწიფო შესყიდვის შესახებ დადებული ხელშეკრულების პირობების შეცვლა არ დაიშვება, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 9.2. ხელშეკრულების პირობების ნებისმიერი ცვლილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

## 10. სადავო საკითხების გადაწყვეტა

- 10.1. „შემსყიდველმა“ და „მიმწოდებელმა“ ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა გარემოების ირგვლივ.
- 10.2. თუ „შემსყიდველი“ და „მიმწოდებელი“ ვერ შეძლებენ 30 დღის ვადაში სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით, შეუძლია დადგენილი წესის მიხედვით მიმართოს სასამართლოს.

## 11. ხელშეკრულების კონტროლი

- 11.1. ხელშეკრულების შესრულების კონტროლს განახორციელებს ინსპექტირების ჯგუფი.
- 11.2. „შემსყიდველს“ ან მის წარმომადგენლებს უფლება აქვთ განახორციელონ მიწოდებული საქონლის ხარისხის კონტროლი.

## 12. ხელშეკრულების შეწყვეტა

- 12.1 ხელშეკრულება შეიძლება შეწყვეტილ იქნეს:
  - ა) მხარეთა შეთანხმებით.
  - ბ) საქართველოს მოქმედი კანონმდებლობით და ამ ხელშეკრულებით გათვალისწინებულ სხვა შემთხვევებში.

## 13. ხელშეკრულების მოქმედების ვადა

- 13.1. წინამდებარე ხელშეკრულება ძალაშია მხარეთა მიერ ხელმოწერის დღიდან და მოქმედებს 2018 წლის 10 აპრილის ჩათვლით.

## 14. სხვა პირობები

- 14.1. ხელშეკრულება შედეგენილია 2 ეგზემპლარად და თითოეულ მათგანს თანაბარი იურიდიული ძალა აქვს.
- 14.2. ხელშეკრულების ერთი ეგზემპლარი ინახება - „მიმწოდებელთან“, ერთი ეგზემპლარი - „შემსყიდველთან“.

მხარეთა რეკვიზიტები:

„შემსყიდველი“

სსიპ „მწერალთა სახლი“

ს/კ 205 299 005

მის: ქ. თბილისი, ი. მაჩაბლის ქ. №13

ტელ: 2 97 41 01, 2 97 41 02

საბანკო რეკვიზიტები:

სახელმწიფო ხაზინა

TRESGE22

სახაზინო კოდი 33 02 01 26

„მიმწოდებელი“

შპს „ეფლ ჰოუერ“

ს/კ 400185385

მის: თბილისი, ჭავჭავაძის ქ. 11

ტელ: 597535393

საბანკო რეკვიზიტები:

ს.ს. „თიბისი ბანკი“

TBCBGE22

GE20TB7223036020100001

დირექტორ-მენეჯერი:

ნატალია ლომოური



დირექტორი

შოთა სამხარაძე

